



*Axudas individuais para persoas con discapacidade destinadas á adquisición de servizos de promoción da autonomía persoal e servizos complementarios de asistencia persoal. **Convocatoria 2017***

#### **INFORMACIÓN PARA OS SOLICITANTES: DOCUMENTACIÓN A PRESENTAR COA SOLICITUDE:**

*Artigos 9 e 10 da Orde do 30 de marzo de 2017 pola que se establecen as bases reguladoras que rexerán a concesión de axudas individuais destinadas á adquisición de servizos de promoción da autonomía persoal, así como a adquisición de servizos complementarios de asistencia persoal, a persoas con discapacidade, cofinanciadas polo Fondo Social Europeo no marco do Programa Operativo FSE Galicia 2014-2020, e procédese á súa convocatoria para o ano 2017 (DOG nº 71, do 11/04/2017)*

#### **Artigo 9. Presentación de solicitudes**

1. As solicitudes deberán presentarse preferiblemente por vía electrónica a través do formulario normalizado (**Anexo III**) dispoñible na sede electrónica da Xunta de Galicia, <https://sede.xunta.gal>. Para a presentación das solicitudes poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario/a e clave Chave365, que pode solicitar accedendo á web <https://sede.xunta.gal/chave365>.

Opcionalmente, tamén se poderán presentar as solicitudes en soporte papel en calquera dos lugares e rexistros establecidos nos artigos 14.1 e 16.4. da Lei 39/2015, do 1 de outubro, utilizando o formulario normalizado dispoñible na sede electrónica da Xunta de Galicia.

2. A solicitude, segundo o modelo que figura como **Anexo III**, dirixirase ao órgano de dirección con competencias en materia de dependencia da Consellería de Política Social - Dirección Xeral de Maiores e Persoas con Discapacidade.

3. O prazo para a súa presentación será de un mes, contado a partir do día seguinte á publicación da orde no Diario Oficial de Galicia. A estes efectos, entenderase que o prazo vence o día cuxo ordinal coincida co que serviu de partida, que é o da publicación no Diario Oficial de Galicia, e, se é festivo, o primeiro día hábil seguinte. **O prazo de presentación de solicitudes remata o 11/05/2017 (inclusive).**

#### **Artigo 10. Documentación**

1. As solicitudes virán acompañadas da seguinte documentación:

a) **Anexo IV** debidamente cuberto, no caso de que a persoa solicitante desexe actuar por medio de representante.

b) Proxecto de intervención detallado segundo o modelo do **Anexo VIII**, que conteña os seguintes datos mínimos:

1º. Entidade/profesional prestadora do servizo. ***Para poder optar á subvención ao amparo desta orde a entidade/profesional autónomo prestadora do servizo de promoción da autonomía persoal deberá de figurar inscrita no Rexistro de Entidades Prestadoras de Servizos Sociais (RUEPSS), cuxo responsable é a Subdirección Xeral de Autorización e Inspección de Servizos Sociais, da Secretaría Xeral Técnica da Consellería de Política Social. A estes efectos será suficiente con que a inscrición no RUEPSS se leve a cabo con anterioridade ao 10 de decembro de 2017.***

2º. Orzamento detallado do gasto que se vai a realizar, segundo o custe unitario establecido no artigo 5 da Orde reguladora da convocatoria.

3º. Período de duración das intervencións e calendario programado.

4º. Servizos e prestacións que se axustarán ás necesidades de atención da persoa solicitante.

5º. Declaración da entidade prestadora do servizo, sobre se recibe financiamento público para a prestación do servizo



6º. Declaración da persoa cuidadora, nos supostos en que o servizo solicitado sexa o de respiro familiar.

Este **anexo VIII** está dispoñible nesta mesma páxina web en formato editable.

c) Declaración do conxunto de todas as axudas solicitadas ou concedidas para a mesma actuación ou gasto procedentes de calquera Administración pública ou ente público ou privado, no espazo destinado a esta finalidade que figura no propio modelo de solicitude (Anexo III).

d) Autorización, segundo o **Anexo IX**, do cónxuxe da persoa solicitante ou parella de feito, no caso de réxime matrimonial de gananciais, así como das persoas a cargo da persoa solicitante, para a consulta pola Dirección Xeral de Maiores e Persoas con Discapacidade dos seus datos sobre identidade, residencia, renda (IRPF) e de toda clase de pensións e prestacións sociais percibidas. Caso contrario, deberán aportar a documentación relacionada con esta información, que neste caso sería copia do DNI, certificado de residencia, copia da declaración do IRPF, certificado de pensións emitido polo Instituto Nacional da Seguridade Social, declaración de toda clase de pensións e prestacións sociais percibidas.

e) No seu caso, a xustificación da necesidade do transporte adaptado ou asistido para o goce doutro servizo/prestación social, ou como medio de asistencia ao traballo ou a unha actividade formativa non obrigatoria do Sistema Público Educativo cando non se enmarque dentro do ámbito das competencias propias do Sistema Educativo, de conformidade co previsto no artigo 4.1 da Orde reguladora da convocatoria, segundo o tipo de actuación para a que se solicita a axuda.

f) A información relativa aos indicadores comúns de execución sobre participantes aos que se refire o Anexo I do Regulamento (UE) Nº 1304/2013, do Parlamento Europeo e do Consello do 17 de setembro de 2013, relativo ao fondo social europeo, segundo o modelo do **Anexo VI**.

Todos estes anexos están dispoñibles no enderezo electrónico <https://sede.xunta.gal/portada>, indicando no buscador que aparece o código "BS 613B"

**Órgano administrativo xestor destas axudas:**

Subdirección Xeral de Dependencia e Valoración da Discapacidade  
Enderezo: Edificio Administrativo San Caetano, s/n. 15781 Santiago de Compostela  
Correo electrónico: [sxdependencia@xunta.gal](mailto:sxdependencia@xunta.gal)  
Teléfono: 881 999 231, 881 999 832.